



■ Me. Katharine Richards, senior dosent van die Plymouth universiteit, mnr. Medmillian Handura, die uitvoerende voorsitter van Oupatje en professor Neville Davies van die Plymouth universiteit, wat bekendgemaak het dat hulle vroeg volgende jaar 'n nuwe projek oor data-insameling en -verwerking in skole gaan bekendstel.

Foto: Yolanda Nel

"Dit is ongelooflik om te sien hoe kinders die navorsing doen en daarna ook weet hoe om die ontleding daarvan te doen en al die inligting in 'n bekende formaat weer te gee," het me. Katharine Richards, senior dosent aan die koninklike statistiese gemeenskapsentrum gesê.

"'n Belangrike punt wat deur hierdie projek uitgelig word, is die feit dat die inligting wat ingesamel word, op verskillende wyses gebruik kan word," het sy gesê.



■ Vanjaar se graad 12-klaskamer afskeidsgeselligheid geoorhandig aan leerlinge wat Joanna Haufiku, Uvangua Ka en Immo Kötting behaal. Agter Denise Khoi-Aos, Mattias Kr is Eddy Iita, Brendan Bampt Megan Garises, Kristopf Ler en Dirk Penzhorn. Voor is U Basson, Kristian Beck, Uvan Christof Thesen, Maikuan D en Claudia Mattle.



■ Mnr. Gianluca Massalini van Italië en me. Elizabeth Shimbuburu Mugeli by die fondasiewerk vir die eerste fase van 'n kantoor en klaskamer vir die Grow Together Kindertuin. Van links is drie van die kleuters, Mushampe Fredericks, Memory van Rooi en Walburya Kambaru.

Foto: Marlize Rautenbach

Italianers help kindertuin vergroot

• Marlize Rautenbach

DIE Grow Together kindertuin in die informele woonbuurt Okahandjapark is in 2000 deur me. Elizabeth Shimbuburu Mugeli gestig.

Sy het aanvanklik gesukkel om die grond by die munisipaliteit te kry, maar danksy 'n vennootskap in 2008 met die Italiaanse organisasie Scintille het dié weldoeners vir haar die perseel aangekoop waar sy vandag vir 25 kinders skool gee. Vier van die groepie is wees- en kwesbare kinders.

Die visie is om klaskamers, 'n kantoor, kombuis en kamers vir die wees- en kwesbare kinders aan te bou om sodoende te

kan kwalifiseer om meer kinders te huisves.

Die eerste fase van die bouwerk, die kantoor en klaskamer, het reeds begin met die argitek en boukontraakteur wat jong mans van Katutura is.

Die president van Scintille, mnr. Gianluca Massalini, is tans in Namibië om toe te sien dat die eerste fase glad verloop. Die hoop is dat die bouwerk teen middel Oktober klaar sal wees wanneer hy na Italië terugkeer.

Die tweede fase sal begin sodra die organisasie genoeg geld ingesamel het en Massalini het aangedui dat enige ondersteuning van die publiek welkom is.

NYS se gebou geopen

• Marianne Pretorius

DIE amptelike opening van die Nasionale Jeugdiensgebou ter erkenning van die jeug se rol in die samelewing, is Vrydag deur President Hifikepunye Pohamba waargeneem.

"Ons Regering erken die belangrike rol wat in die gemeenskap deur die jeug gespeel word. Ons is dus vasberade om hulle te bemagtig en ontwikkel," het hy tydens die geleentheid gesê.

"Omdat party van ons jongmense dit ingewikkeld vind om werkgeleenthede te kry, glo ons

dat 'n behoefte aan so 'n diens soos hierdie bestaan om die gapings toe te maak, en die jeug toe te rus met die vaardighede wat van hulle verwag word."

NYS bied programme in burgerlike opvoeding, nasionale vrywillige diens en vaardigheidsopleiding aan wat ten volle betaal word. Die deelnemers aan die programme word uit die 13 streke van die land gewerf en sedert 2008 het 2 493 mense aan die opleiding deelgeneem.

Die President het gesê dat jong mense met die nodige vaardighede en kennis toegerus

moet word en die waarde van harde werk, respek en selfdissipline moet beseef.

"Dit sal hulle in staat stel om produktiewe en suksesvolle burgers te word wat tot die sosioëkonomiese ontwikkeling van die land bydrae. Dit is juis om hierdie rede dat die Ministerie van Jeug, Nasionale Diens, Sport en Kultuur in 2005 gestig is."

Hy het gesê dat die Nasionale Jeugdiens (NYS) een van die Regering se inisiatiewe is om die jeug in pas met die nasionale jeugbeleid te bemagtig en te ontwikkel.

RADIO PRESENTATION
Do you have what it takes to succeed in the radio industry?

Requirements

- Passionate about music
- Good general knowledge
- Vibrant and energetic
- Excellent command of English
- Ability to engage listeners
- Ability to conceptualise
- Own Transport
- Radio and/or public speaking experience
- Diploma or degree in radio or communications related field

Personal Qualities

- Good voice and a flawless presentation
- Creative, imaginative, and able to think outside the box

CV's (no longer than 2 pages)
Programme Manager, Fax: + 264 61 230964

Closing date: 17 October 2008
be contacted.

cool.fun.dyn
inspiringenvironment
relevant.qu